

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
Broj: T04 0 KT 0057133 24
Zenica, 08.10.2024. godine

OPĆINSKOM SUDU U ZAVIDOVIĆIMA
-Sudiji za prethodno saslušanje-
ZAVIDOVIĆI

Na osnovu člana 45. stav 2. tačka i) i člana 241. stav 1. Zakona o krivičnom postupku F
BiH, podižem
O P T U Ž N I C U
Protiv:

B.H., neosuđivana,

Što je:

dana 02.02.2024. godine, u 15,10 sati, u ulici, grad Z., upravljajući putničkim motornim vozilom registarskih oznaka ..., nije zaustavila vozilo ispred obilježenog pješačkog prelaza kako bi propustila pješaka koji prelazi ili stupa na obilježeni pješački prelaz ili nedvosmisleno pokazuju namjeru, ne pridržavajući se saobraćajnih propisa, postupala suprotno odredbama člana 111. Zakona o osnovama bezbjednosti saobraćaja na putevima BiH, iako je bila svjesna da uslijed takve vožnje može nastupiti zabranjena posljedica, ali je olako držala da će je izbjeći ili će je moći spriječiti, pa je na taj način ugrozila javni saobraćaj i dovela u opasnost život ljudi i imovine, pa je tako vozeći, prednjom stranom vozila udarila u pješaka M.S. koji je namjeravao da pređe kolovoz i koji je od posljedica udara zadobio teške tjelesne povrede u vidu krvarenja ispod mehke moždane ovojnice u predjelu čeone regije,

dakle, kao učesnik u saobraćaju na putevima, ne pridržavajući se saobraćajnih propisa ugrozila javni saobraćaj i time kod drugoga prouzrokovala tešku tjelesnu povredu,

čime je počinila krivično djelo teška krivična djela protiv sigurnosti javnog prometa iz člana 336. stav 3. u vezi člana 332. stav 3. u vezi sa stavom 1. KZ F BiH.